

用知府汪德溥 東三省 分省補用道熊希齡 福建 分省補用道嚴璩 湖南 江蘇候補道陳惟彥

交

旨

閏二月十四日軍機大臣欽奉

諭旨度支部奏印花票製成請頒發各省試辦一摺又片奏議覆前安徽巡撫馮煦奏印花稅驟難舉辦御史石鏡
諭旨奏印花稅恐多窒礙各摺或原奏似為過慮或尚未悉印花辦法請毋庸置議等語均著依議欽此
諭旨御史江春霖奏直隸唐山路礦學堂革退學生太多請飭查辦一片著學部會同郵傳部查明具奏欽此
昨報交 旨第二條末句徐書祥著准其開復復字誤排為缺字合亟更正

奏議錄要

兩江總督端方安徽巡撫朱家寶奏皖省兵變一律肅清情形摺 (續昨報)

叛兵之竄往桐城舒城也於練潭天甯莊等處頗肆搶掠乃晝夜北趨且潰且逃過舒城後即分三股前向廬州壽
州六安州竄逸每股約二三百人經臣等飛飭派出各營嚴定賞罰上緊跟追沿途電桿多被叛兵砍伐軍情阻滯
經臣等抽調馬隊由省垣至桐城舒城六安廬州一帶按站安設馬撥以速調遣所有援皖江鄂各軍暫歸田中玉
調遣以一事權並將匪情隨時電牘飛達鄂豫兩省及徐州鎮道一體嚴備以防竄擾鄰境惟皖北民氣强悍盜風
素熾深慮各路叛兵勾結土匪蔓延為患一面飛飭皖北鎮道調集巡防營馬隊嚴密堵截一面刊刻簡諭示張
貼各屬除首要罪在不赦外其餘裹脅目兵如能悔罪繳械驗明實係脅從應由所在地方官給予印票聽歸原籍
安度藉以離其黨羽臣家寶復以各路援軍齊集兵力不為不厚惟是主客勢殊於皖北民俗地形未能即行諸悉
能截擊成股抗拒之匪而不能搜捕零星竄匿之匪終恐兵來則匪暫伏兵去則匪又起亦屬非策惟時城防已臻
穩固因就省垣巡防隊抽撥二百五十人暫編五隊將皖北各屬分為五路每日限行四五十里嚴密搜查藉以絕
其根株隨據各路稟報竄往廬州一股經浦軍馬步隊於十一月初三日在廬州東北先後接仗壽州一股經總兵
田中玉帶領江北馬步隊於十一月初四日在州境三覺寺董家鋪等地方接仗均陣斬匪目並生擒多名奪獲槍
枝子彈多件匪眾登時大潰改裝棄械四散潛逃六安州一股經鄂軍步隊營官何錫蕃由舒城星夜窮追直抵州
境查詢沿途居民始知各叛兵亦已改裝棄械潛回原籍節經各路統領管帶及道府州縣先後稟報皖北一律肅
清臣家寶以正值冬防緊要之時百密終恐一疏復嚴飭各該軍並地方官仍須加意嚴防不得稍涉鬆勁現在為
時已歷三月地方安堵本屆冬防告竣皖北各紳商因事赴省者臣家寶不時接見詢問客冬情形與營縣稟報相
符此派出援軍分途追剿叛兵潰滅並皖北又安實在情形也當叛兵起事時六十二標第二營工程隊一隊均駐

紫城內工程隊正目范傳甲二營管帶薛哲均係同謀范傳甲一犯於二十七日夜間值得縱火內應情節立即拿獲訊明正法薛哲一犯彼時一聞火警即密遣死黨分赴東北兩門借救火爲名希冀乘勢斬關迎納外匪及抵城圍見巡防隊排立擊槍知戒備已嚴憚不敢發臣家寶察其舉動有異因用善言獎勵以示羈縻一面挑派得力巡防隊偕同該營屯駐暗中牽制比將叛兵擊退立即調撥該營赴集賢關一帶分紮以孤其勢密傳余大鴻面授機宜將薛哲拿獲到案督同臬司營務處嚴密研訊據供二十六日下午在楊家試館會議簽押該逆與熊成基田激揚易桂安范傳甲等首創逆謀頒發命令熊成基擔任放火燒營搶劫火藥庫裏脅標兵該逆則以開城內應自任志在劫庫據城公舉總統手書供詞一紙語多狂悖臣家寶詰以既係同謀何爲蟄伏不動據供城中守備完密已無隙可乘同黨范傳甲又經被獲伏辜響應難並稱此次城外叛兵潰竄亦因內應無成心離氣阻等語當於十一月十一日錄供正法並經電奏在案該營已先遴委錢濟勝接帶查明各目兵是否知情分別嚴懲責革續於六安州地方緝獲砲隊排長易桂安鳳陽地方緝獲砲隊司書生田激揚均經訊明供認同謀不諱先後批飭就地正法疊據擒獲叛兵各供稱田激揚一犯即當時指揮騎兵者也易桂安一犯即當時指揮步兵者也續又在鳳陽緝獲排長王佐巢縣緝獲排長陳元鑑江北軍在清江緝獲隊官王品超又挑入講武堂之張勁夫或供指有名或形迹可疑現尙提同人證嚴行研究俟取具確供分別懲辦其餘被逼裹脅者概予保釋此先後緝獲各要犯訊明分別懲辦之實在情形也此項損失槍械爲數頗鉅幸節次奪獲收繳共計一千三百餘杆業於上年十二月間將詳細數目電咨陸軍部立案此外槍枝各叛兵因改裝潰逃恐沿途被人查拿不敢公然執持其拋棄溪河潛埋田埂等處者亦復不少是以搜查倍難刻已責成地方官會同各紳董隨時向各兵原籍按照底冊查追收繳以重軍實至造意首犯除薛哲范傳甲田激揚易桂安業經正法外熊成基一犯現尙在逃節經加懸重賞電咨鄰近各省分一體購拿並派出機械偵探分投冥搜務期必獲以除遺孽刻下大局救平前奏蒙 恩准暫行添招巡防隊三營業經招募成軍委降補同通黃鳳岐督帶擇要填紮逐日上緊訓練以期操防精熟又安省三面瀕江實爲舟楫之國非有兵艦常川停泊往來梭巡不足以神策應而壯軍威當飭司局籌款在上海購定淺水兵輪一艘名曰安豐添配砲位子彈札委都司陳應濂管帶駕駛演習藉以儆備非常所有各省援軍勢難久駐臣等往返電商陸續

將江甯湖北江北各軍先後分期調回各重防務至皖省混成協此次除砲馬兩營全數叛潰外此外六十一標全標六十二標之第三營又輜重隊一隊均有裹脅衝散者其陸續歸伍各目兵經臣家寶親赴該營以忠愛大義切實演說並飭該統領管帶將習氣浮囂不守規則者嚴加淘汰復將奏准由直隸調撥續備二百名編入營伍以變積習一面遵照陸軍部咨行新章分投選募士著錄取入伍加緊訓練前已派員赴各屬開招應俟成軍時再行奏報至此次疏防各員除砲營管帶陳昌鏞業已被戕身故另奏請卹外其馬營管帶李玉椿亦係當時被擊身受重傷應請免予置議惟教練處總辦顧忠深濫保匪人情節較重業經電奏革去銜翎發司看管又兵備處總辦陳蔚叅謀處兼講武堂總辦鄭祖年六十一標標統蔣與權六十二標標統樊衛棠均不免失於覺察應一併撤差示懲協統余大鴻甫於九月接差正議實力整頓而遽出此變實非該員統馭之疏且此次守城禦賊出力最多二十七日督隊出剿右額受傷猶復勇往直前力挫兇鋒其戡亂之功尤不可沒查皖省現僅一混成協自應遵照陸軍部章程裁撤教練參謀兩總辦併歸兵備處兼辦切實整頓又陸軍小學堂前被叛兵乘勢搶毀現已另選地方重購器具招生開學原設之講武堂因流品混雜於年假時分遣回籍尙須另行組織以上各節均歸另案奏明辦理此搜繳槍械增練水陸新軍辦理皖軍善後實在情形也伏查此次叛潰變亂蓄謀甚深兇險尤熾上年江鄂陸軍秋操適在皖省民間少見多怪卽胥動以浮言驚傳兩次

國郵天動地裂逆首熊成基等窺竊 國家多故共

創逆謀遙相構煽糾合至千餘人之衆所聚徒黨皆係素練之兵所執槍彈皆係最精之器而城中恃以抵抗者僅巡防隊二百餘人省垣周圍九里乘城分布實有顧此失彼之虞六十二標第二營中多叛兵匪黨近在肘腋呼吸潛通尤須兼防內應范傳甲薛哲田激揚各供均稱借安慶爲起事地得手後將直趨金陵擾亂長江流域等語詞氣狂悖殊堪髮指設皖省果有蹉跌吳楚列城風鶴千里時局何堪設想仰賴 朝廷威福將士用命外摧狂寇

內保危城以孤軍支柱數晝夜之久大挫兇鋒轉危爲安保全大局自應先行擇尤請獎以勵戎行合無仰懇 天恩俯准將六十三混成協協統指分四川試用道余大鴻 交軍機處存記並 賞加二品銜前安徽副將

銜補用叅將降補都司劉利貞前河南補用知府降補同通黃鳳岐均請開復原官原銜仍留原省補用並免繳捐復銀兩代理江貞兵輪管帶兼署吳淞營都司補用千總甘聯琰請免補守備以都司仍歸原省儘先補用出自

鴻慈逾格其餘守城出力各員弁喋血砲火之間不憚危險並勦滅逃竄廬州壽州六安三路叛兵各員弁千里赴援馳驅冰雪均屬異常出力應懇 恩准由臣家寶查明分別奏獎以資激勸傷亡各弁兵並由臣家寶咨部

請卹除將各該員履歷分咨查照外謹合詞具 奏伏乞

皇上聖鑒訓示再此摺係臣家寶主稿合併聲明謹 奏宣統元年閏二月初十日奉 硃批該督撫當機應變

辦理甚屬妥速不負委任殊堪嘉尚所請擇尤獎勵各員著即允行其餘出力各員弁由該撫查明分別核實給獎

以示朕激勵戎行之意該部知道欽此

兩廣總督張人駿奏廣東新出礦產擬請援案暫免井口兩稅摺

奏爲廣東新出礦產擬請援案暫免井口兩稅恭摺具陳仰祈 聖鑒事竊粵東地接五嶺山脈雄厚各種礦產

隨地孕藏尤以煤礦爲最夥現查各礦探探者已不下數十處然或探而未開或開而旋閉甚至以數公司同辦一

礦輾轉接替而迄無成功其於外埠華僑非不極力招徠亦相率聞而裹足推原其故則由成本之重成本之重則

由於運道之艱大抵產礦地方類皆嶺峻山深河流又節節淺阻凡新開礦產自出窿以至行銷所有水陸之輓運

與夫糧食器械一切之用所費不貲故以礦價與資本衡之往往入不敷出或僅足相抵實無餘力可以納稅而紅

利更不必言近年以來礦之未辦者難以創興已辦者轉思停歇竟坐視其棄利於地而莫爲之所爲維持計惟有

暫行免稅以輕成本之一法查上年廣西巡撫臣張鳴岐曾以該省礦務艱於籌辦奏請暫免出井出口兩稅並免

提官股紅利各五年欽奉 諭旨允准在案今粵東辦礦爲難西省相類不得不援案辦理冀有以稍紓商力

俾礦務可漸次振興據勸業道陳望曾詳請具 奏前來臣覆核無異合無仰懇 天恩准將廣東新出礦產查

照西省成案暫免井口兩稅及官股紅利各五年俟奉 旨後指足五年之期再照章一律徵稅彼時礦產既旺

稅收當亦較贏似於 國計民生均有裨益至此舉係招致華商開採新礦起見如有洋商合股承辦及本省辦有

成效之礦自應仍舊收稅不得援以爲例合併聲明所有請援西省成案暫免礦稅及官股紅利各五年緣由理合

恭摺具陳伏乞 皇上聖鑒訓示謹 奏奉 硃批著照所請該部知道欽此

公牘錄要

督憲楊准學部咨留歐學生現應整頓各事札飭提學司津海關道查照文

為札飭事宜統元年二月二十九日准 學部咨開 專門總務 司案呈准歐洲游學生監督呈稱竊職到歐以來查得管理留歐學生現有四事亟宜整頓一留歐學生大學專門發給全費新派學生尚在學習預備者每月減去五分之一久奉鈞部咨行在案職查現在留歐學生情形其到歐伊始者須在校外延師預備或進入各國中學校預備自不待言即其到歐較久號稱進入各大學或專門大校者往往未必實係按照該校章程考取收入該校為正班生蓋歐洲各國凡大學校及專門大校往往有附設之預備學校或設有預備考入本科之預備班或另有一種學校并不附屬於該校但為該大校所承認由此校考入該大校為正班生者此三種名目雖不同然察其性質正係大學及專門大學預備科不能運作為大學及專門大校本科正班生又留歐學生除在以上所言各項預備科外往往并不依該大校或該專門大學考試定章及收取章程進入本科為正班生但購一聽講券即可在校旁聽此種旁聽生不應校內學期考試亦不能得有學位及畢業文憑實與大學及專門大校本科正班生程度大有區別細繹鈞部定章新開學費數目按照大學專門計算等因自是指言大學專門本科正班生學費則所謂學習預備者自應包括校外延師及上開各項預備科在內至旁聽生一項查日本在歐亦有此種學生惟必在大學卒業得有學士博士學位以後更加特別研究乃就此班吾國學生并無此種程度意存取巧論其成績既與本科正班生有別又非預備進入本科似非國家遣生求學之意其預備科諸生距大校專門卒業期限尚遠若一律照大學或專門大校本科正班生發給全費則程度淺者既極豐腴程度高者不能增給亦無以鼓勵諸生向學之心且職見留歐諸生往往訴稱學費不敷異常艱窘尋求事實實屬不然除實在專心向學自知撙節用度者外往往日訴艱窘日多浪費如湖北武生唐多羅虔妄製軍服欠繳學金江南武生高兆華王裕光名譽不佳宕欠店賬此外以風聞所及尚有種種浪費及因種種不行為用種種取巧方法希圖給費情弊察此情形則諸生訴稱費絀自非查得實在并無浪費行為難以置信向來諸生藉端索款率以購書置器延師輔教為言查外國各校專門參考之書實驗應用之器甚為完備無待外求諸生取用所費無幾預備科程度尚低所需書器自不必另行置備即令購置

爲數有限果能節省不急之需無虞艱窘至如延師輔教如程度可入大學專門自不能以此藉口如其程度未及自無庸強入大學專門亟宜循序在中學或預備班修業以免躐等驟進自欺欺人之弊既在中學及預備班應毋庸另行延師輔教所有此後各項預備科學生理應照章實行減成給費應請由部文咨各省此後新派留歐學生務請一律查照辦理聲明定章所謂學習預備四字即係包括校外預備及上開各項預備科在內至此後到歐求學既領官費不許爲旁聽生以免諸生要求全費更滋濼瀆至以前所有各項預備科及旁聽生已經領取全費者可責令陸續進入本科或係別有事由應請仍准照舊給費免與更正一查留歐各生照章應不許改校改科尤不許輕易改國蓋因歐洲各國文語不同縱或兼修總難聽講即語言文字兩國相同然既經改國則改科改校二者相因必居其一見異思遷決無成效至於改科則從前認習何項既廢半途新認一門驟難領受歧趨旁出五技終窮改校則玩時曠學修業成績展轉稽滯且學校屢易術業進退無所稽考歲糜鉅款幾同虛擲此種情事實非留學生所應有自職到歐以來有任意改國改科改校者苟經發覺必飭令切實陳說事由從嚴駁斥以期恪守定章免糜帑藏然諸生多以陳請本省大吏核准爲言藉此支吾頗難董正應懇由部文咨各省申明不許改國改科改校以免諸生往來倏忽畢業無期一諸生學費理宜按期支給不許預支亦不許挪借以免宕欠然從前各省學生頗多借款歷時愈久宕借愈多鄂生積欠至有三萬佛郎一時無法攤扣經湖廣總督核准俟回國後於服務薪水項下扣還并飭知不許再借在案查學生借款除在入校時須預交全年學費或半年學費爲數既鉅不得不核實所需准與借給仍須隨即按數扣還外但能撙節用度則此外所需每月學費儘敷開支無由不足應懇由部文咨各省照湖北嚴禁各生借款辦法以後無論如何除繳學費外不許預支借款等事以免諸生任意取求致生宕欠一查留歐自費生人數衆多程度不齊請補官費勢難遍給擬請嗣後凡自費生在大校或專門大校爲旁聽者無論如何不許請給官費其在各項預備科者除年齒幼少精力完足且資質異常聰敏修業異常勤奮成績異常優美應與特別獎勵者外應一律俟已經考入本科爲正班生或依收取定章入本科已過一學期考試之後乃准請補官費亦應請由鈞部核准文咨各省查照辦理以免諸生濫竽取巧競爭官費以上四項並請由部於文到後從速核定先行摘要電知各省查照電知職處切飭各生遵照庶使諸生切實奉行免滋藉口等因前來查該監督所

請官費學生不准爲旁聽生校外預備與各項預備科均不准給全費留學生不許改國改校改科學費不許預支均爲切實整頓起見應准一體照辦其自費生請補官費一節應按照上年十二月本部奏定補給官費辦法以農工醫格致四科爲限其爲各大學旁聽生及各項預備科者均不得補官費以示限制惟各項游學生與其嚴加防範於派遣之後不如慎行選擇於未派之前本部於光緒三十二年七月初七日奏准派遣游學生必須具有中學堂畢業程度通習外國文字能直入高等專門學堂者始予給咨久經通咨各省遵行在案況以官費派赴西洋游學需費甚鉅尤宜慎選真才庶免虛糜公款此次該監督所陳在校外預備及爲旁聽生諸弊皆由遣派之初程度不足所致亟應申明定章嗣後選派游學生必以中學以上畢業普通學完備外國文精通能直接聽講出洋後能逕入大學專門各校毋庸預備者爲斷相應咨行貴督查照辦理可也等因到本大臣准此合行札飭札到即便查照

督憲楊據天津府稟札飭津浦鐵路局自行招工遷墳以免貽誤文

爲札飭事據署天津府胡守遠燦稟稱竊查前奉憲台以津浦鐵路總局佔用西門外一帶義地令卽轉飭義阡局員前赴該局會同購地遷埋墳墓等因奉此卑府遵經札飭義阡局員遵照在案伏查津浦鐵路佔用義地墳墓纍纍必須招募土工預爲遷埋以免臨時貽誤惟義阡局掩埋荒塚檢拾屍骸只有工作一人時常在局聽候工作若津浦鐵路佔用義地墳墓責令該工作一人遷埋力恐難以勝任勢亦難以兼顧况自津浦鐵路佔用義地以來外間喧傳遷移墳塚不下數十萬之多以致是否土工競尙營謀羣赴卑府衙門呈遞攬單懇請包辦遷墳者無日歲有若由卑府派充各土工既非素所深知卑府事務紛繁考察難周將來辦理不善貽害匪淺且不得派充之土工勢必捏造謠言誣卑府以不義之名卑府有鑒於此擬懇憲恩札飭津浦鐵路總局自行招募妥工勿庸由義阡局經手辦理以昭慎重而免貽誤是否有當理合稟請查核俯賜批示祇遵實爲公便等情到本大臣據此除批稟悉鐵路佔用西門外一帶義地應需僱工遷移墳墓應准照擬由津浦鐵路總局自行招募仰候轉飭遵照認真妥辦勿稍貽誤繳掛發外合行札飭札到該局卽便遵照辦理此札

文告錄要

督憲批示錄要○武清縣姚令佐寅等稟查放春撫並到差日期由 批據稟已悉仰賑撫局查照飭知繳○固安縣屠令元豫詳開辦教育分會由 批如詳立案仰提學司查照飭知册存此繳 玉田縣袁令樹麒詳學董張邦英等捐助學費請獎由 批詳册均悉該縣學董張邦英等五名各捐助學堂經費制錢五十吊應准各給予九品功牌一張隨批填發仰即查收給領以昭激勸並錄報司道州查照繳

學台批示○順義縣詳儒學移縣詳請開復廩生鄭世棠請示遵一案 批稟悉該生經前署司批准查案詳請開復仰俟奉到開復行知再行札學飭遵此批○體操音樂傳習所學生廣平縣人趙秉鈞稟請札縣賞派差使一案 批據稟已悉仰候行縣酌量辦理

直隸法政學堂榜示○爲榜示事照得本日補考諸生試卷業經評定甲乙合行列榜諭示仰取錄諸生即於初九日取具保結隨帶來堂繳納一學期學費洋十八元保證金二元填寫履歷志願等書於初十日到堂上課切勿自誤須至榜者 計開 取錄補考諸生十四名 姚禮成 李榮華 曹桂楷 文緯慶 易春靈 閻德春 曹桂棟 傅國楨 文字經 張大齡 趙雲閣 丁秉鐸 吳延祺 馬鴻恩

直隸警務處批示○留學日本警務科畢業生楊隰峇稟入研究所一案 批稟悉查研究所學員滿額應由本處存記俟有缺出再行調補此批○廣昌縣警董劉著等具稟公舉正紳一案 批稟悉候有相當差缺再行酌派此批○廣昌縣附生侯瀛等具稟保劉巡官一案 批稟悉已據該縣稟撤應毋庸議此批

電報錄要

倫敦電○英屬澳洲南新威利士首相威德氏提議前擬購買德瑞納提號式大戰艦一艘送與英國實係不甚合宜因現在并無戰禍不若籌備協款每年捐助英海軍經費五十萬鎊云

舊金山電○美國大鐵路家哈爾曼氏提議擬將現在修築之墨西哥國鐵路直達巴拿馬哈氏又在紐約答覆墨國謁者云伊已將路綫查勘妥協

又電○義大利政府照會美政府云義國擬提倡開辦萬國移民大會以便議訂移民章程
東京電○日本政府現將鐵路會計規則議妥宣布

又電○日本駐台灣長官現在預定明治四十二年台灣製糖額可達二億五千萬斤云

新政紀聞

政治

元甯初選定期投票○江甯元甯兩縣初選舉投票區域城鄉內外共分六區現定於十一日投票已諭令合格各人

於初五六七三日赴事務所領投票紙各舉所知屆期設置廠內豎日憑衆宣布以示大公

飭設選舉事務所○湖南諮議局籌辦處通飭各府廳州縣札云照得選舉議員事屬創舉條緒紛繁大抵執

行之權在官吏協助之責在士紳必於一切辦法融會貫通而後通力合作克底於成本處開辦以來既將原頒

章程逐條注解並擬定各種詳細規則通飭遵照惟日孜孜不憚煩勞無非爲期於共明起見乃考察各屬情形

在一二開通處所固不乏明白曉暢辦有秩序之人而憚於事理穿鑿錯謬者亦復不少蓋由事前既未講求臨

事遂茫無依據現在調查尙未告竣而復查造冊投票開票等事方興未艾若不統籌全局預事綢繆流弊殆不

可言喻本司道等與省內外會辦諸紳公同商酌僉謂非飭屬官紳交相研究不可查各初選區均設有選舉

調查事務所應即一律附設選舉事務所調查事竣即改爲專所俟本屆選舉辦畢再將該所撤銷其各複

選區亦即一律設所研究由各該監督會督士紳將先後奉發規章細心體會集衆討論如有疑義准直接通函

本處隨時質問藉收廣益集思之效並由該所遴派已經研究有得之人分詣劃定各投票區所廣場集衆詳爲

演說何等人所以合格何等人所以不合格何種票爲有效何種票爲無效以及選舉之權利罰則之條例皆須

一一揭明反覆譬喻不厭求詳俾各曉然於利害所關不至歧趨冥索庶於選舉前途不無裨益除詳明督撫憲

並分別咨行外合行札飭札到即便遵照限文到三日內設立選舉事務所安定規條呈查核隨時會督

各紳遵照文內一應事宜切實辦理仍將奉文設所日期及所紳職名先行稟報以後并按旬將所辦各事報查

毋違特札

學務
札催速送師範簡易生○奉天提學司以前飭各屬選送師範簡易科學生赴省考驗收學現在限期將屆而各府

廳州縣選送者尙屬寥寥開校在即勢難久待故於日內嚴劄各屬務如限呈送學生來司以便彙考入學云
照會請獎辦學官紳○浙提學司照會高等學堂文云案於上年准貴監督咨開敝堂自光緒二十九年由大學堂
改爲高等學堂時閱五載五月間舉行師範豫備兩科畢業所有在堂年久之職員自應照章擇尤請獎以示鼓
勸造具履歷清冊呈請轉詳奏咨續又准咨以現已離堂從前積資較深與請獎年限相符者似未便不預獎叙
查有前充提調候補知府蕭守文昭前充監督陸紳懋勳以上二員應如何獎叙請酌定歸入前案核辦等由過
司准此查定章辦學保獎須以成就學生人數爲衡上年准咨時因貴學堂畢業各生尙未詳咨應俟詳咨後方
可核辦現在業已詳奉咨部尙未奉核覆惟查續准咨請之蕭守陸紳二員雖將供差成蹟開呈未將擬請獎叙
何項聲明無從核辦自應按照成蹟酌擬請獎官階並查取該二員履歷各四套送候核明酌辦俾有依據相應
照請爲此照會貴監督請煩查照

軍政

稟准推廣陸軍警察○駐鎮南洋陸軍警察第三支部隊官馬玉章以京口係水陸衝衢往來要道現值滬甯鐵路
開通時有水陸軍人經過鎮地若非嚴密查察深恐滋生事端惟本部人數無多耳目慮有難周之處特稟請管
帶陶樸青觀察添招巡士二十名設立分防所兩處藉資巡緝而肅軍紀當經陶觀察批准照辦

派員赴日留學海軍○鄂督陳夔龍以湖北水師各艦亦海軍之基礎茲當振興海軍尤以造就將材爲第一要著
特飭陸軍張統制遴選將校講習所輜重班教員劉鍾秀等四員赴日練習海軍緣該員等曾在日留學陸軍卒
業將來可望速成云

欽廉各軍駐防區域○粵督張安帥近奉陸軍部咨以欽廉防務現在分委各統帶各顧一隅究竟事權能否專一
呼應是否靈通應即查議詳覆等因當查欽廉防營督辦歷任駐劄欽城中調度近來沿邊匪黨屢圖窺擾內
地交界餘匪到處潛蹤欽廉地方險遠山路崎嶇故特劃分數路以夏分統駐紮欽東並辦理廉靈各防李守駐
廉城其北海及防東沿邊均水陸要衝華洋萃會盜猖獗之區特以莫鎮郭道獨當一面而以龔道駐守欽城
居中援應似此布置實屬週密統一呼應調度均爲靈便聞已據情陳明大部矣

民事

吉林組織禁煙協會○吉林自上年設立禁煙局認真查禁頗著成效其後日久玩生諸多粉飾該局督辦民政司謝司使呈請吉撫大加整頓改禁煙局爲禁煙公所歸司使直接管轄又於本年二月設立官膏專局杜絕私相買賣以期漸絕根株復組織禁煙協會於二月十八日成立假財神廟胡同商務會爲會所開第一次會議謝司使親臨演說情詞懇切大旨謂禁煙要旨關係強國強種惟望我同胞上流社會先各振刷精神以爲全體之倡勿再因循以自欺欺人云

委員調查修路辦法○蘇州閻齊盤胥四門城外馬路皆因工程欠於堅固以致近來均已損壞然現擬修理亦須研究茲由蘇省農工商務局查得上海租界各馬路工作極爲整齊修理之法亦甚美善現擬仿照上海工部局修路章法是以日前札委朱少尉文萃赴滬考查以便回蘇仿辦

郵電

添設郵政分局○奉天郵政局總稽查人佛君華人何君於日前由鐵車站下車僱小車前往法庫遼源州等處稽查各分局一切事宜並赴蒙古金家屯地方設立郵政分局云

修通欽廉軍用電綫○廣東欽廉近日搜辦餘匪全在消息靈通當經大憲飭行擴充電綫以利交通現已修通多處該道特將修通各路及距離里數通行各文武並申報來省計分 欽城至小董 小董至陸屋 陸屋至靈

山 靈山至廉城 東興至那良 那良至防城 防城至欽西 陸屋至橫州 八路

創辦湖南電燈公司○湘省商務總會總理陳佩珩觀察以湘省風氣大開所有學堂警察及各局所均須改用电燈以圖簡便爰倡議創辦湖南電燈股份有限公司共集股本洋二十萬元以百元爲一整股十元爲一零股分優先普通兩項優先股以四月爲止普通股以七月爲止均須一次交齊按月以八釐行息閏月不算暫購電燈一萬盞如有不敷再行續辦已賃定南城外房屋爲廠地開辦後除由夜間專理電燈外卽白晝之電氣人工亦不使之曠廢擬令代修鐵路輪船及各項機器藉以開拓利源近已擬定招股章程發交省城各商號暨外府廳州縣各公所富商代爲勸招

直省府廳州縣距離京師省城水陸道里統計表第二

王畿爲四方之本京師又爲王畿之本中國所謂會歸有極西人所謂中央集權俱本此義不僅爲四方貢賦道里均而已各省會城又爲府廳州縣報政之地近年刊行官書地志亦多記有距京師及距省城道里之數周官量人掌書天下之涂數鄭注書涂謂支湊之遠近賈疏支謂支分湊謂臻湊涂有支分及相臻湊遠近者也卽統計程途之意此表兼分水陸詳晰開列其有鐵路輪船交通處所亦應分別詳注州縣地方並各加注距離府直隸州道里以期詳備

直省管轄府廳州縣名稱數目統計表第三

郡縣之制歷二千年而不變者蓋由封建而歸一統本於社會進化之理日本廢藩置縣亦進化階級之自然中國幅員廣袤陵駕歐美一省之大儼同一國所轄府廳州縣多自數十以至百餘光緒以來開荒增治更置尤繁一表不能盡載應分數表接續填注所有增改移置以及升府升廳各處並須注明年月以備查考守巡各道尙未盡裁邊遠地方且須酌留故仍列表以備填報

直省府廳州縣管轄城鄉市鎮方里戶口統計表第四

州縣舊制城曰坊廂鄉曰里甲或稱都圖里保或稱村莊市集以及屯鋪堡寨等項雖復名號紛歧亦有遞相管攝之法今定地方自治章程概以城鎮鄉畫分區域然祇別其法制並不改其名稱此表仍照各廳州縣所轄城鄉各處舊有名目分別登注每一州縣向分幾鄉幾圖或分幾村幾社但列其數而不必臚舉其名貴州廣西以及東三省熱河新疆新設各府均有自轄地方是以一併開列

直省府廳州縣佐治各官分防地方名稱方里戶口統計表第五

府廳州縣之下向有同通佐武各官分防佐治或管軍民或管糧馬以及捕務河務鹽務驛務等項職掌既殊名稱亦異除與府廳州縣同城各官無庸列表外此表專計分治地方方里戶口之數近年如有移并裁改並照第三表詳注聲明至專設旗缺理事同知通判等員如有專轄地方亦應分別

直省府廳州縣人口五萬以上城鎮方里戶口統計表第六

自古郡縣皆以戶口之多寡分地方之繁簡曹魏分郡縣爲劇中平三等唐有赤畿輔雄望緊上中下等名莫不以人戶爲差日本亦以此分市町村之等級今定地方自治章程凡五萬口以上者始行鎮制其實各省人口滿此數者除通商各埠外殊不多見西北諸省戶口尤稀前表合計城鄉之數此表乃由前表提出另計非僅標明繁要亦於自治制度有關係也

直省開設商埠租界方里戶口統計表第七

自五口通商以後各省陸續開設口岸三十餘處而新約續開尙不在內然不盡有外國租界近年乃有特別租借口岸如旅順威海膠州等處尤關大局既屬中國地方自應逐一詳計至通商口岸有無自設巡警局及租界內外人所設工部局雇用華洋巡捕并各分別列表附記以備查考

直省管轄土司地方方里戶口統計表第八

四川甘肅廣西雲貴各省俱有土司番族仍歸土府同知通判州縣以及宣慰司宣撫司長官司千百總等各土官管轄貢馬納糧各因其俗除改設流官各處歸府廳州縣統計外所有土官管轄地方方里戶口自應別加統計中國種族苗爲最古今東南各省文化早開婚姻相通已與漢族合而爲一土司各族大都苗蠻之遺而峒黎山獠種類繁多土族僅存所宜注意

各邊將軍大臣管轄沿邊卡倫鄂博方里戶口統計表第九

土地國家之寶故治國首重邊防舊制西北各邊卡倫鄂博設官置戍至爲嚴密每屆巡查例應勸明並無越界等事奏報一次方今情勢變遷四鄰交界之地莫不關土殖民而我對汎聯疆荒寒如故自非亟加考求則樽俎折衝必至茫無依據此表專計鄂博卡倫方里戶口其有春安秋撤並非常設及並無戶口地方亦各聲明列表防戍官兵則歸陸軍部另行填報至歸督撫管轄地方如與俄日法越英緬交界等處以及東南海界經緯度數卽入第一第二等表分晰開列惟於邊境尤宜格外注意

直省府廳州縣民有田地畝數分別統計表第十

自古建國經野山林川澤溝瀆城郭宮室塗巷三分去一乃爲農田其實山水占地多數尙不止此漢制有定墾

未士史他令酒緬國官電局之電師也現居仰光四十九街門牌第四十九號日昨惠來手書云○十四年前余在印度司理電綫工程入林度嶺所駐烟瘴之區不可勝數日積月累瘴毒深侵血份遂有寒熱往來之病三日一發先寒後熱冷發之時則全體冰凍手足顫震冷後則熱越宿方止以致精神困憊懶於行動胃口全無面色黃瘦氣

立除癘瘡



衰血弱屢延醫治所服金鷄納霜等藥難以枚舉雖有時而暫止惟不久又復發如是者有兩年之久後在印度之畔的查釐地方有醫生著予吞服韋廉士大醫生之紅色補丸余從其言照方常服直至全愈然後已此後則氣血日增精神日長從前所患各恙均歸無何有之鄉矣計自愈後至今已十有二年而此疾何似詳細奉告俾世之有是病者知所問津焉耳 貴藥局不妨將此函登諸報端為望 史君之恙乃瘴毒侵血之病也韋廉士大醫生紅色補丸有清血之功補血之能先去其血中之瘴毒然後滋補之故能藥到春回徵驗立見也為其有此能故愈一切 肝木不和 食積不化 血枯 頭痛 先天不足 後天失宜 諸虛

百損 風濕骨痛 半身不遂 腳氣衝心 諸般瘡瘍 大凡發熱下痢感冒之後須調補者均宜婦 女經期各恙立奏奇功 各處店均有發售或直向上海九江路B字第八號韋廉士醫生總藥局採買亦可 每樽價銀一元五角 每六樽價銀八大元 不論遠近一律不取郵費 上海九江路B字第八號韋廉士醫生藥局啓

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東攜帶全張息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 北京

三岔河口 玉皇閣 本公司總理處 北馬路 天津銀號 保定 上海 漢口 唐山

張家口 天津分銀號

同啟

保定法政學堂告白

本堂蒙 藩憲咨送津保第二次考取三等入堂肄業候補各員務於閏二月十五日前從速來堂附入戊班講習科肄業並查核人數多少攤分津貼該班上課已久如逾限不至即不能再行收入務須依限來堂幸勿自誤特此奉告

津保第二次考取三等候補人員咨送入堂各員姓名單

候補知縣趙熙文	候補府經歷王禮恭	試用典史李治慶	試用縣丞朱燮陽	試用典史張則朱	試用典史蔣用霖	試用縣丞王慶銜	候補從九徐壽同	補用巡檢吳桂森	試用典史趙宗鼎	試用從九陳國弼
高嘉銘	試用縣丞謝仰青	試用典史茹煥	試用典史陳廷揆	試用典史王蓋臣	候補知縣李汝霖	試用縣丞王慶銜	試用典史陳廷揆	試用典史王蓋臣	試用典史趙宗鼎	試用從九陳國弼
叙未入流陳國峻	候補典史程恩焯	試用從九陸再興	試用巡檢吳峻	試用縣丞謝仰瓊	試用典史李汝霖	試用縣丞王慶銜	試用典史陳廷揆	試用典史王蓋臣	試用典史趙宗鼎	試用從九陳國弼
任兆傑	試用巡檢曹文治	試用典史李孔焯	試用縣丞朱正樞	試用巡檢趙鴻勳	試用典史李汝霖	試用縣丞王慶銜	試用典史陳廷揆	試用典史王蓋臣	試用典史趙宗鼎	試用從九陳國弼
試用府經歷趙惟倫	試用府經歷高士燦	新選南度縣典史蘇大祀	候補巡檢李虎觀	試用同知張錫錦	試用典史李汝霖	試用縣丞王慶銜	試用典史陳廷揆	試用典史王蓋臣	試用典史趙宗鼎	試用從九陳國弼



各大大藥房均有寄售

順天府尹凌大人捐庫平銀二百兩 晉省隱名氏集捐公砵平銀一千零八十兩 山東撫台袁捐洋四百元 候補京堂張大人煜南捐洋二千元 山東運台崔大人鍾善捐京足銀五百兩福建臬台鹿大人學良捐京松銀五百兩 上海道台蔡乃焯捐京足銀二百兩 陝西藩庫廳沈錫榮捐京足銀一百兩 分省知縣鄭寶麟捐京足銀四十三兩 甘肅舉人趙椿年捐洋十元 直隸道台葉增濤捐洋六十元 張仲仁捐洋二十元 丁春之捐洋十四元 鍾薊泉捐洋十元 汪鶴齡捐洋八元 張信初捐洋八元

北京王府井大街平和戒煙醫局鳴謝清單

天津商務印書館新書出版

嚴又 訂正羣學肄言 此書前所以治羣學之術術書凡十六篇前經嚴又先生譯出... 茲經重訂正以版權歸本館洋裝精繪大為改觀每冊定價一元

高小 女子國文教科書 本館前編初等小學女子國文教科書八冊一年間已疊六版近又承學部審定其價... 值可謂不待言也此書即繼前書而作所採材料仍以女子必需之道德智識為主而於家... 教女衛生言之尤詳全書四冊先出第一冊定價八角五分

學部改訂 近世化學教科書 日本大幸勇吉著王季烈譯○上篇述無機化學第三篇述有機化學學部評云近... 世化學日新月盛記憶之學科漸變為推理之學科故教授之法實驗理論不可偏廢... 此書凡化學中實驗理論之關係解說甚詳每冊定價八角五分

查理 初等代數 王家深譯書考大校○是書久已膾炙人口目最遠於我國之用每部一元二角... 易蓋深得原書之精意而不拘守原書之面目最遠於我國之用每部一元二角

新編 初等三角法教科書 日本飯島正之助著周藩譯○上篇述銳角之圓函數下篇述普通三角之圓函數定... 理簡式之證明不厭其詳而行文簡括使讀者循途深造忘其為沈悶之科學該教科... 善本也每冊定價二角半

家計簿記教科書 奏定高等小學章程列簿記於算術科是書就家計以發凡詳論簿記之法書分九章... 書即使居家者經商者職司會計者瀏覽此書亦其有益每冊八角

鄭富 新法英文教程 此書寓文法於讀本使學者易於領悟而於文法八部之總則及其云讀之時間尤為... 注意每句詳解清晰未附釋義及解字兩門凡用斜體字處可檢釋義其難字可檢解... 字使閱者一目了然每冊定價八角

堀維文 日語讀本 內堀維文君現任山東高等小學堂日語教授歷年既久閱歷尤深茲特以其經驗材... 料編成此書體例清新程度適台誠為學日語者之寶筏也每部四冊一元四角

小初等 鉛筆習畫帖 本館前出高等小學鉛筆習畫帖已承學部審定是書編輯之法與前書相應而筆法... 甚為簡易便於初學繪畫全部四冊每冊定價二角第一冊均單節形體以次循序漸... 進至第四冊乃及陰影濃淡之法初學極易入手全部定價四角八分

林譯 鍾乳鬪體 英國哈葛得原著○此書大致似霧中人出於老獵戶戈德門自述然歸本於亨利之... 反愛乃以尋覓其弟之故至於犯痕痕絕沙漠俄瀉而死咸所不惜讀之足以愧天下... 之閱者每部定價六角

林譯 天囚懺悔錄 是書敘一人誤殺其反出亡天良受種種苦惱後流落荒島力自懺悔改行為善本得... 善終其間親航海寶藏金及孤島中生活以及男女愛情筆意纏綿悽惻媿屬人每... 冊定價五角

新譯 匈奴奇士錄 匈加利育利摩耳著○一摩陀爾人有妹為食士所誘移至彼乘而愛情至死不減不... 許其兄報讐此愈士又誘惑一公爵思獲其夫人設種種奸謀不得遂公爵夫人卒嫁... 與摩陀爾人情節離奇譯筆古雅每冊定價四角

北洋官報 第一千三十冊 告白

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁 咨准農工商部註冊立案上
 年購到外洋最新式機器全副去臘業已開機所出之灰據西洋化學師疊次
 考驗拉力結力俱高出外洋之貨且機器加大出灰足敷主顧購用尚有製造
 之紅磚花磚洋灰瓦水溝管管子土等項無論躉零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙 訂購交貨無不從速至價廉貨高久爲 中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告 光顧諸君請向本公司索閱價值一切亦可接洽也
 得待風一千三百九號

德新文洋

本行開設天津上海香港志呢華海參歲等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡
 大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本
 行面議可也

本行主人啟

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行攜帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處
 自置綢緞洋貨願縐絳蟒花素貢絨絳緞各色抖蓬哈叻厚呢以及京廣什貨織絨綫貨各色
 俱全貨高價廉劃一不二中外 紳商賜顧移玉是幸
 瑞林祥元記具

本局印售各種書籍圖畫目錄

澄衷學堂字課圖說

天文歌略

地球歌略

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學算數教科書
初等小學算數教科書教授法

忠經

英文學問

東文典問答

地文學問答
皇朝政治學問答增校初二編

節本泰西新史攬要

筆算教科書

數學上編
普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

二本洋二角

一本洋一角五分

一本洋四分

二本洋三角二分

二本洋一元

二本粉紙洋五角

合售洋三角六分

一本粉紙洋六分

一本洋二角五分

二本洋二角五分

二本洋五角

二本粉紙洋四角五分

二本粉紙洋五角五分

二本粉紙洋四角

二本洋一元二角

二本粉紙洋七角五分

二本粉紙洋七角

一本粉紙洋四角五分

一本粉紙洋三角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雜法

農務述聞

畿輔輿地全圖
御製耕織圖
朝鮮輿地全圖
地球開闢次序圖
平圓地球圖
東三省鐵路全圖

一本粉紙洋二角五分

四本洋五角

一本粉紙洋三角五分

一本洋七角

一本洋二角

二本洋三角五分

二本洋四角

二本洋六角

一本洋二角

一本洋五分

一本洋一角五分

一本粉紙洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二册洋五角
一册洋一角
一册洋一元
三十二張洋一元
一張洋八角

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

本局售報價目

本埠售價官報按日一冊每月三十冊收價銀六角零購者每冊洋銀二
 分

法政學報十日一冊每月三冊收價洋六角零購者每冊二角
 兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本
 埠售例

綠色條胰出現廣告

本場為提倡高等成色條胰起見不計本利力求料實耐用洗濯異常滑
 快經久絲毫不抽委與外洋白條胰相頡頏而價值格外低廉如蒙購用
 即知此胰貨高價廉便宜合算 賜顧者請至北馬路售品總所或本場
 售品處零整均可面議一為試用定當爭購此佈

天津河北實習工場謹白

大清銀行廣告

大清銀行現定三月初六日在京師虎坊橋湖廣會館照章開股東會議
 屆期務祈 光臨並先於閏二月十五日起分派老股新股官餘利請附
 股諸君持摺來行取息特此白